

Gvangjsih Minzcuz Bau

Cawjguenj: Gvangjsih Bouxcuengh Swcigh Minzcuz Cunghgyau Swvu Veijyenzei Cawjbanh: Gvangjsih Minzcuz Bause Geiz neix 8 banj
广西民族报 Aenhauh okbanj: CN45-0036 B.2023 Nd.9 Ng.20 Liggaueq gvejmaux nienz ndwenbet coloeg Geizsoq: Gungh daih 3590 geiz

Lij Gyangz Camgya Yizsiz Haimuq Gaiq Ngeihcib Cunghgoz-Dunghmungz Bozlanjvei Caemhcaiq Gangjvah 李强出席第二十届中国-东盟博览会开幕式并致辞

Sinhvazse Nanzningz 9 nyied 17 hauh dienh Gozvuyen cunglij Lij Gyangz 9 nyied 17 hauh banhaet youq Gvangjsih Nanzningz camgya Yizsiz Haimuq Gaiq Ngeihcib Cunghgoz-Dunghmungz Bozlanjvei caeuq Yizsiz Haimuq Hoih Bouxdaeuz Cunghgoz-Dunghmungz Doxyaeng Hongsaeh Seng'eiq Nem Roengzcienz caemhcaiq gangjvah. Genjbuisai soujsieng Hungzmajnai, Laujvoh cunglij Sungjai, Majlaizsihya cunglij Anhvajw, Yeznanz cunglij Fan Mingzcwng, Yindunizsihya fucungj-dungj Majlufuh, Daigoz fucunglij caeuq sanghyez bucanj Bujdanj, Dunghmungz misuhcangj Gauh Ginhungz, vanzlij miz doengh boux daibyaui gyaiq gunghyeh sanghyez laeng Cunghgoz, Dunghmungz daengj guekgya caeuq digih daihgaiq 1200 vunz camgya.

Lij Gyangz naeuz, Cunghgoz-Dunghmungz Bozlanjvei cau-banh 20 bi doxdaeuz guhcingq gij gvenhaeh song baih hwnghat mboujduenh. Raeuz dingmaenh doxgiet youh gag'ak, doxgap caez ndaej gwn(leih), sim miz daengx lajmbwn, Cunghgoz caeuq Dunghmungz dox-caeuq doxgyau gaeng baenz le yienghbanj gvaengxdieg Yacouh Dai-bingzyangz doxgap ceiq baenzsah caeuq ceiq rengzak, baenz aen saehlaeh sengdoengh cingqmingz raeuz doinyoengx cauhaeb aen cingj-daej vunzloih caezcaemh minghyinh.

Lij Gyangz daegbied gangj daengz, aen gizmen ndei Cunghgoz caeuq Dunghmungz doxcaeuq doxgyau



▲ 9 nyied 17 hauh, Gaiq Ngeihcib Cunghgoz-Dunghmungz Bozlanjvei caeuq Hoih Bouxdaeuz Cunghgoz-Dunghmungz Doxyaeng Hongsaeh Seng'eiq Nem Roengzcienz youq Nanzningz haimuq.

Vangz Gwz Dangz Denjswng ingj

ndaej daeuj mbouj ngaih(yungzheih), gietcomz miz gak baih guhdoihaenqrengz, ndawde miz naed che-sim bonjcaet caeuq diuz sienqme-hronzdoeng goekbyai, neix couh-dwg seiq cih saw "caensim, doxndei, doxik, bauyungz" youz Siz Ginbingz cujsiz cingdaeuq gyonggangj. Seiq cih neix mboujdan dwg gij byaijyengq giek-bonj aen vaigyauh fuengcim Cungguk caeuq doengh aen guekgya seiqhenz, hixdwg dauhleix doxcaeuq doxhuz doxndei, engqdwg fapbauj youqgaenj raeuz guhdoiha youq coglaeng ndaej hwnghat ndeindet. Raeuz yaek lai roengz goengrengz bae saedguh seiq cih saw neix, haenqrengz cauhaeb aen vanzging haemq ndei leih raeuz hwnghat hwnghoengh, huzbingz an'onj, hawj gak guek hwnghat miz leih ndei doh doengh aen guekgya seiqhenz,

cauh fuk hawj yinzminz gvaengxdieg. It dwg laiak laindei bae saedguh cih "caensim", caiq gyalag bae hawj gamjingz doxgyau. Cungguk nyienh caeuq Dunghmungz lailai doxgap guh hongsaeh vwnzva, lijyouz, sonlienb, bouxcoz daengj, mboujduenh bae hawj yinzminz lai doxrox doxgyaez. Ngeih dwg laiak laindei bae saedguh cih "doxndei", caiq cukmaenh aen giek-daej doxsaenq. Cungguk nyienh caeuq Dunghmungz gak guek guhdoiha, gangj vah sueng vah bae doxgap guh gak yiengh hongsaeh. Cungguk dawzmaenh aen gihbwnj gozcwz doiq rog hailangh, haenqrengz cauhaeb gij vanzging ceiq hab guh seng'eiq dwg hawj bouxdouzshw gak guek sim'onj simnet simsoeng. Sam dwg laiak laindei bae saedguh cih "doxik", caiq daz haen diuzsai leih'ik. Cungguk

nyienh lailai cawx haeuj gij canjbinih miz daegsaek huq laindei laeng guekgya Dunghmungz, mboujduenh bae gyaak gvaengxdieg doxlienb caeuq diuzlienb gunghawj gvaengxdieg engqgya onjdangq, doengrat, doxbeij laiak. Seiq dwg laiak laindei bae saedguh cih "bauyungz", caiq hawj aek hai lai gvangq bae guh hailangh. Cungguk giendingh haeuj-coengh guh aen gvaenghgaq gvaengxdieg doxgap aeu Dunghmungz guh daeuz, doidoengh aen cawjcieng caez hwnghat "it rangh it loh" caeuq gij canloz hwnghat gak guek doxciep laindei, lienzdaemh bae doi gingheigvaengxdieg doxcaemh doengzcae.

(Vangz Binh Banh Gyangz)
(youq Sinhvaizyangj aeudauej genj mbanj fanhoiz)

Gaiq Ngeihcib Cunghgoz-Dunghmungz Bozlanjvei Ciemdingh Hanghmoeg Gungh Roengzcienz Mauhgvaq 4800 Ik Maenz 第20届中国-东盟博览会签约项目总投资投资额超4800亿元

Sinhvazse Nanzningz 9 nyied 17 hauh dienh Aen Yizsiz Ciemdingh Hanghmoeg Gaiq Ngeihcib Cunghgoz-Dunghmungz Bozlanjvei 9 nyied 17 hauh youq Gvangjsih Nanzningz gawjbanh. Gaiq Dunghbozvei neix gungh ciucomz ciemdingh 470 aen hanghmoeg roengzcienz gapguh, gij soq roengzcienz gungh miz 4873 ik maenz, ndawde roengzcienz guh hangzdajcauh ciemq daengxcungq mauhgvaq 65%, gij soq

ciengzbaez hozdung, hanghmoeg ciemdingh, gyonsuenq roengzcienz caeuq roengzcienz guh hangzdajcauh cungj beij doengh gaiq gaxgonq lai sang caez.

Hopheux aen cawjdaez "doxngamj caemh hoengh hwnq mbanj-ranz, diuzmingh doxcaemh caez baenaj—doidoengh 'it rangh it loh' hwnghat ndei saed caeuq dajcauh giz goek gingheig demmaj", gaiq Dunghbozvei neix daengxbuenz

maeuzveh gawjbanh 70 lai ciengz hozdung hungnaek coihawj gak baih roengzcienz, gungh genjleh ciucomz 184 aen hanghmoeg youq yienh-cienz gyongcomz ciemcoh doxdingh. Ndawde, miz 170 aen hanghmoeg roengzcienz gapguh, 14 aen hanghmoeg "byaij okbae" roengzcienz haeuj rog guek caeuq hanghmoeg guek nem guek gaicawx. Bingzdan gij soq roengzcienz hanghmoeg miz aen 18 ik maenz doxhwnj, beij gaiq gonq

gyalai 3 ik maenz. Ndawde, 17 aen hanghmoeg 50 ik maenz doxhwnj, gij soq roengzcienz ciemq daengxcungq bae 52%; 26 aen hanghmoeg 20 daengz 50 ik maenz, gij soq roengzcienz ciemq daengxcungq bae 23%; 15 aen hanghmoeg shbwnj rog guek, gungh roengzcienz 105 ik maenz.

(Cinz Yizfanz)
(youq Sinhvaizyangj aeudauej genj mbanj fanhoiz)